

eman ta zabal zazu



Universidad
del País Vasco

Euskal Herriko
Unibertsitatea

**UPV/EHUko IKERTALDEETARAKO LAGUNTZEN
DEIALDIA
(2023)**



ATARIKOA

UPV/EHUren eginkizun funtsezkoa da ikerkuntza, ikerkuntza baita jakintza sortzeko tresna, irakaskuntzaren oinarria, komunitatearen aurrerapenerako baliabidea eta jakintza gizartera transferitzeko euskarria. Horrela, bada, unibertsitateak bere egiten du helburu garrantzitsuenetako bat bezala ikerketa zientifiko, tekniko, humanistiko eta artistikoa garatzea, eta ikertzaileak prestatzea. Era berean, ikertaldeak sortu eta garatzea sustatzen du, eta kalitatea, transdiziplinitatea eta nazioarteko bikaintasun sareetan txertatzea bultzatzen ditu, bai eta beste erakunde, gizarte eragile edo enpresa batzuekin talde mistoak eratzea ere.

Laguntza hauen bitartez, areago, Zientzia eta Teknologiaren Euskal Sarea osatzen duten gainerako eragileekiko lankidetzara eta unibertsitateko ikertaldeen indarra ere hobetu nahi dira, deialdi lehiakorragoetan parte har dezaten; hala nola, Eusko Jaurlaritzaren Zientzia, Teknologia eta Berrikuntzarako planaren programa ezberdinak, deialdi estatalak edo Europar Batasunaren deialdi ezberdinak.

UPV/EHUko 2023 ikerketa-taldeentzako laguntza-deialdi honetan unibertsitateko ikerketa-taldeentzako laguntza-modalitate bakarra sartzen da.

Oro har, UPV/EHUko taldeak aldi baterako bokazioaz sortu ohi dira, epe ertainean, euskal unibertsitate sistemako (aurrerantzean, EUS) ikertalde finkatu bihurtzeko. Ildo horretan, bi deialdiak bateraezinez dira elkarren artean, hau da, 2021eko deialdian Eusko Jaurlaritzak aitortutako ikertaldeak, 2021eko irailaren 7ko 2021/4826 Aginduan deskribatutakoa (2022ko irailaren 21eko EHAAren argitaratu zena), eta 2022ko uztailaren 7an eman zen ebazpena, ezin izango dira deialdi honetara aurkeztu.

Halaber, deialdi honetan finantzaziorik lortuko duten ikertaldeak, gehien dela, beste deialdi batera aurkeztu ahal izango dira UPV/EHUK ikertaldeei eskainitako deialdien artean.

Deialdi honetan aitortutako ikertaldeen indarraldia, bi modalitateetan, 2 urtekoa izango da: 2024tik 2025era eta gehienez 300.000 € bideratuko dira laguntzetara. Finantzaketa dagokion aurrekontu-kredituaren kontura egingo da, Eusko Jaurlaritzak 2023-2026 aldirako formalizatzeko duen Bikaintasuneko Ikerketa Programa Kontratuaren barruan esleituta. Urteko bakoitzaren finantzaketa kasuan kasuko urteko aurrekontuetan dagoen kredituaren arabera izango da. Deialdiaren finantzaketa osoa, gainera, handitu ahal izango da etorkizuneko aurrekontu eskuragarritasunen arabera.

Horretara, Ikerketa, Garapen eta Berrikuntza Batzordearen (aurrerantzean IGBB) aldeko txostena jaso ostean eta Gobernu Kontseiluak onetsi ondoren, Ikerketaren arloko Errektoreordetzak (aurrerantzean IAE) erabaki du subentzioak emateko honako deialdi hau argitaratzea, ondoren zehaztuko diren baldintzetan.

1. OINARRIA. HELBURUA ETA XEDEA

Deialdi honen helburua ikerketa jarduerak erraztea eta bultzatzea da, bai eta UPV/EHUko ikertaldeek egindako ikerkuntzaren kalitate zientifikoa hobetzea ere, bost jakintza arloetan (zientzia, ingeniariaritzara eta arkitektura, osasun zientziak, gizarte zientziak eta zientzia juridikoak, eta artea eta giza zientziak) ikerketak egiteko laguntza finantzarioak emanez.

Ikerkuntzarako ekintzen bidez, erdietsi nahi diren oinarritzko helburuak dira:

- a. Funtsezko ikerkuntza sustatu, jakintzaren maila handitzeko, bere horretan ondasuntzat jo nahi baita.
- b. Ikerketa estrategikoa sustatu, berrikuntza bultzatzeko, lehiakortasuna eta gizarte ongizatea areagotzeko elementua den aldetik.
- c. Unibertsitateak enpresekin eta gainerako gizarte-eragileekin duen lankidetzara ikerketa sustatu.
- d. Ikertalde sortu berriak sendo daitezkeen bultzatzea; izan ere, osatu berriak direnez, ez dute lortu esparru lehiakorragoko deialdietan lehiatzeko behar den bikaintasun maila.

Goian adierazitako hitzaurrearen arabera, deialdi honen helburua da bikaintasunezko ikerketa garatu gura duten talde egonkorak sortzea, gerora EUSeko ikertalde finkatueterako laguntzen deialdian lehia daitezen.

Deialdi honek, hortaz, ikertalde bakoitzari emandako laguntza ekonomikoa kuantifikatu eta esleitzea du helburu, zeinek proposatzen duen biurtekorako jardun programa burutzeko eta, behin osatuta eta aldeko balioespena lortuz gero, UPV/EHUk aintzat hartutako ikertalde bihurtzeko.

2. OINARRIA. IKERTALDEEN EZAUGARRIAK

2.1. Ikertaldeak egiaztatu beharko du ikerlarien arteko harremana egonkorra dela; nolabaiteko koherentzia erakutsiz eta proiektu eta argitalpen komunitan parte hartuz.

Ikertaldeak beste gune edo erakunderen bateko ikertzaileekin harremanak izan eta proiektu eta argitalpenak horiekin batera lantzen baditu, beste gune edo erakundeetako ikertzaileak kanpoko laguntzaile gisa hartu ahal izango da, baina ez dira ikertaldeko kideztat hartuko deialdi honetan parte hartzeko helburuetarako. Ikertaldeari laguntza ekonomikoren bat esleituko balitzaio, UPV/EHUri dagozkion taldeko kideen zenbatekoaren arabera kalkulatu da emandako laguntza ekonomikoa.

2.2. Talde eskatzaileak egiaztatu beharko du azken sei urteetan finantzaketa jarraitua jaso duela. Epe honetan zehar jasotako finantzaketa osoaren %25a izan beharko da, gutxien dela, UPV/EHUtik kanpoko iturburuetatik etorritako finantzaketa.

Unibertsitatekoak ez diren beste ikertzaile batzuekin batera partekatutako proiektuei dagokienez, hauen ekarpena proportzionaltasunaz konputatuko da taldean diren ikertzaileen kopuruarekiko. Finantzaketa da ikerketa jarduerak edo ikertzaileak kontratatzeke edozein motatako laguntza, lehiaketa bidezko deialdietan lortutakoak, bai eta eskatzaileek ikerketa jarduna egitea eragingo lukeen beste edozein laguntza ekonomikoa ere.

Aurreko paragrafoan ezarritako baldintzak betetzetik salbuetsi ahal izango dira ikertalde sortu berriak, baldin eta honako egoera bi hauetan baleude:

- a. Ikertalde sortu berriek edo osatzekotan direnak, baldin eta bere sail edo arlo tematikoan ikertalde finko aitorturik ez badago edo ikerkuntza tradizio baxuko arloetakoak badira.
- b. Ikertaldeak aurkeztutako proposamenean ikertzaile nagusi gisa proposatzen diren pertsonak ez dutenean izaera horrengatik finantzaketarik lortu, ez EUSeko, ez EHUko ikertalde finkatueterako, lehenagoko laguntza deialdietan; eta, gainera, beren burua ikertaldeko kideztat proposatzen duten pertsonen erdiek, gutxienez, ez badute parte hartu aipatutako deialdiren batean aintzat hartutako ikertalde proposamenetan.

Bi egoera horietako batean dauden taldeek, laguntza eskatu nahi izanez gero, eskabideak aurkezteko epea amaitu baino 15 egun natural lehenago, idazki bat bidali beharko dute IAera (igz.deialdiak@ehu.eus), eskariak aurkezteko epea amaitu aurretik, ikertaldeko ikertzaile nagusiak sinatuta, ikertaldea nortzuek osatuko duten eta zeintzuk ikerketa ildo proposatuko dituen, laburki azalduta. Hala eskatuko balitzaio, eskaria koordinatuko duen arduradunak behar besteko azalpen eta informazio agertu beharko du aurreko baldintza hauek egiaztatzeko.

2.3 Gutxieneko taldea hiru ikertzaile doktorek, 3.1. oinarriko a,b edo c atalekoak osatu beharko dute. Horietako bik, gutxienez, a edo b ataletan aipatzen diren taldeetakoak izan beharko dute, eta horietako batek taldeko ikertzaile nagusi moduan eskaria koordinatzeko ardura izango du. Gutxieneko taldea osatzen duten hiru kideek mantendu beharko dute UPV/EHUrekiko kontratu edo lotura laguntza gauzatzeko epe osoan zehar.

2.4. Taldeek izan ahal izango dute ikertzaile nagusi kide bat, lehenengoa egon ez eta ikertzaile nagusi arituko dena, beti ere 3.2 oinarrian eskaturiko baldintzak beteta.

3. OINARRIA. IKERTALDEAK OSATZEN DITUZTEN PERTSONEN BALDINTZAK

3.1. Honako kide hauek osatuko ikertaldeak lehiatuko ahal dira laguntza hauetan:

- a. UPV/EHUri egonkor lotutako lan kontratudun pertsonala edo funtzionarioak.
- b. UPV/EHUrekin lotutako lan kontratudun edo funtzionarioak, Zientzia, Teknologia eta

Berrikuntzari buruzko 14/2011 legearen 23. artikulua arabera kontratatutako pertsonala (itzal handiko ikertzaileen kontratua); UPV/EHUn Ramón y Cajal programaren barruan kontratatutako pertsonala; Ikerbasque programari atxikitako pertsonala; UPV/EHU eta CSICen arteko gune mistoetara atxikitako pertsonal doktorea; irakasle atxikiak eta lehenago atxiki izandako bitarteko lan kontratudunak, lanpostu iraunkor baterako akreditatuta egonez gero; unibertsitate-ospitaleetako irakaskuntza-unitateetako irakasle elkartuak.

- c. Zientzia, Teknologia eta Berrikuntzari buruzko 14/2011 Legearen 21. artikuluan (doktorego aurreko kontratuak) eta 22. artikuluan (Zientzia eta Teknologiako Espainiako Sisteman sartzeko kontratua) jasotako kontratu modalitateen bidez UPV/EHUrekin lotutako langile ez-iraunkorrak

Doktoratu aurreko prestakuntza jasotzen ari diren ikertzaileen kasuan, doktore-tesiaren zuzendariak eskaeran parte hartu beharko du.

- d. Irakasle elkartu doktore eta lan-kontratudunak, lanaldi osokoak, a) puntuari sartzeko ez daudenak, eta ikerketarako ikasketa-laguntzaileak, unibertsitate-araudian ezarritako prozeduren arabera.
Talde horiek ez dira zenbatuko gutxieneko taldea osatzeko. Taldeari dirulaguntza esleitzen bazaio, esleitutako zenbatekoa kalkulatzeko ere ez dira kontuan hartuko.

3.2. Honako baldintza hauek bete beharko dituzte ikertzaile nagusiek:

- a. Doktorea izatea.
- b. Arduraldi osoa izatea. Salbuespenez, arduraldi osokoa izateko baldintza bazterrean utzi ahal da IGBBren txosten arrazoitua tartean dela, ikertzailearen garrantzia zientifikoari begiraturik.
- c. Ikertzaile nagusiek 3.1.a edo 3.1.b oinarrietan jasotako baldintzak bete beharko dituzte.
- d. Gutxienez dela, ikertzaile nagusietako batek kontraturen bat izan beharko du UPV/EHUrekin eta proiektuaren erakunde kudeaketarekin lotutako funtzioak bere gain hartu beharko ditu (UPV/EHUren izenean sinatzea, organikoak kudeatzea, etab.).

3.3. Inork ezin izango du:

- a. Aldi berean deialdi honetako ikertalde batean baino gehiagotan parte hartu. Aldi berean parte hartzeak bi ikertaldeak utziko ditu kanpoan.
- b. EUSeko ikertalde finkatuetarako 2021eko deialdian aintzat hartutako ikertalde bateko kide izatea.
- c. UPV/EHUko ikerketa-taldeei laguntzak emateko 2022ko edo 2021eko deialdian finantzatutako talde bateko kide izatea, edozein modalitatetan.
- d. Ikerketa proiektu aktibo batean baja eskatu, aurreko puntuetan aipatutako ikerkuntza laguntzeko deialdietarako eskariak aurkezteko epean, deialdi honetan parte hartzeko asmoz.

3.4. Ezin izango dituzte deialdi honen baitako laguntzak eskatu, egoera hauetakoren batean dauden pertsonak:

- a. Epai irmoz kondenatuta daudenen diru laguntza edo laguntza publikorik jaso ezin izatera.
- b. Zorrak badituzte UPV/EHUK ematen dituen diru laguntzak itzultzeko dauden betebeharrak direla eta.
- c. Ebazpen irmo bidez zigortuta daudenen, lege honen edo beste lege batzuen arabera, diru laguntzak ez jasotzera.

3.5. Eskaera ez onartutzat emango da ikerlari nagusiak aurreko baldintzak betetzen ez baldin baditu.

3.6. Aurreko baldintzak betetzen ez dituen ikertzaile nagusi kideak edo ikertaldeko kideak eskaeratik kanpo geratuko da.

4. OINARRIA. LAGUNTZEN EZAUGARRIAK

4.1. Laguntza hauen helburua da ikertaldearen oinarrizko funtzionamenduaren gastuak estaltzea, hau guztia UPV/EHUtik kanpoko erakundeetatik bere ikerketa jarduna burutzeko lortuko duten finantzaketaren osagarri.

4.2. Laguntzak bi urtetarako programatutako ikerketa jarduerara egongo dira bideratuta eta Euskadi 2030 Zientzia, Teknologia eta Berrikuntza Planean eta Europa 2030 estrategian diseinatutako estrategien ildo berekoak izan beharko dira. Izan ere, horietan garatu beharreko ikerketa ildoak adierazten dira, bai eta produktibitate konpromisoa eta sortzen diren beharrak estaltzeko dirulaguntzen plana ere.

4.3. Laguntzen kopuru eta zenbatekoak IGBBren proposamenarekin bat etorrita zehaztuko dira zenbat eskari egin diren, aurkeztutako aurrekontuak eta ikertaldearen balioespena ikusita. Taldea deuseztu edo laguntzari uko eginez gero, finantzatutako epea amaitu baino lehen, kontsumitu ez den laguntza kenduko zaio eta taldeari laguntza emateko erabakian jasotako ondorengo urtetarako emakidak ezabatuko dira.

5. OINARRIA. LAGUNTZEN IZAERA

5.1. Honako hauetarako eskatu ahal izango da laguntza:

- a. Ikertzaileak kontratatzekeo laguntzak edo beste deialdi batzuetatik etorritako pertsonala elkar finantzatzekoak. Kontratuak egiteko, irakasle eta ikertzaileak kontratatzekeo UPV/EHUK duen araubidea aplikatuko da. Ez dira hautagarriak izango administrazio lanak egiteko langileak kontratatzekeo gastuak.
- b. Ohiko azpiegitura zientifikoa UPV/EHUREN Kontratazio eta Erosketa Zerbitzuaren bidez erosi ahal izango da nahitaez. Horrela egin ezean, hau da, erosketa egiteko ez bazaio UPV/EHUK ezarritako prozedurari jarraitu, taldeari laguntzaren zati bat kendu ahal izango zaio, hain zuzen ere, erosketa horren zenbatekoa. Ekipamendu informatikoaren erostea hautagarria izango dadin, ikerketaren xedeetarako beharrezkoak diren beste edozein ekipamenduren lagungarri izateko garrantzitsuak direla justifikatu beharko da.
- c. Material suntsikorra.
- d. Bidaiak eta dietak, barne hartuta ikerketa jardunari zuzenean lotutako edozein motatako joan-etorrietako gastuak, biltzarretako parte hartzeak (eta izen-ematearen gastuak) eta beste zentro batzuetan egindako egonaldia laburrak.
- e. Azpikontratazio gastuak deialdian diruz laguntzen diren ekintzetarako. Hau, gehienez, emandakoaren %25a ahal izango da, hala ere, behar bezala justifikatutako kasuetan eta aurretiaz motibatutako eskaera aurkeztuta zenbateko hori gehitu ahal izango da.
- f. Beste gastu batzuk, aurreko atalean zehaztutako gastuetan sartzen ez direnak, baina behar bezala egiaztatuta daudenak. Atal honetan sartu ahal izango dira: ekipamendu zientifikoa konpontzeko eta egoera onean izateko egindako gastuak, UPV/EHUREN Zerbitzu Nagusiek egindako mantentze kontratuetan jasota ez badaude.
- g. Egin beharreko gastua ez bada aurreko atalean zehaztutakoa, baimena eskatu ahal izango zaio Ikerketaren arloko Errektoreordetzari ontzat jo dezan.

5.2. Laguntzaren indarraldiko azken 6 hilabeteetan nahitaezkoa izango da IA Eren onarpena azpiegitura zientifikoa erosi eta pertsonala kontratatu ahal izateko, aldeztatik berariazko eskaria eginik.

5.3. Ikertaldearen gastutzat hartuko diren gastu bakarrak izango dira 4.2. oinarrian finantziatorako zehaztutako epearen barruan egindakoak, hau da: epe horren barruan benetan ere gauzatutako erosketa, bidaiak, lan eta abarrek eragindakoak.

5.4. 5.1 eta 5.2 ataleko g letran adierazitako baimen eskaera Ikerketako Gestiorako Zuzendaritzari egin beharko zaio. Eskaera horretan behar bezala adieraziko dira eskatutakoa justifikatzen duten arrazoiak.

6. OINARRIA. ESKARIAK AURKEZTEKO EPEA

6.1. Ikertaldeek bide telematikoaz bete beharko dute eskaria osatzeko formulazioa honako aplikazio hau erabiliz:

<http://www.ikerketa-taldeak.net>

Horretarako, ikertaldeko ikertzaile nagusiak alta eskatu beharko du erabiltzaile gisa eta aipatutako aplikazioan zehaztutako jarraibideak bete beharko ditu. EUSeko Ikertalde Finkatuetarako laguntzen aurretiazko deialdi batean akreditatutako talde baten kasuan edo UPV/EHUko taldeetarako laguntzen deialdien kasuan, ikertzaile nagusiak deialdi horretan aurkeztutako eskaeran emandako informazioa berreskuratu ahal izango du.

6.2. Ikertzaile nagusiek zein bere ikertaldeari buruzko informazioa jarriko du aplikazioan.

a) Eskabidearen datuak:

- Ikertzaile nagusien datuak.
- Ikertaldearen datu orokorrak eta osaera.
- Ikertaldeak 2018tik laguntza eskatzeko datara arte egindako jarduera zientifikoari buruzko memoria: ekoizpen zientifikoa, hezkuntza gaitasuna, ikerketarako lortutako finantza iturriak eta jakintzaren transferentziarako jarduerak.
- Jarduera programa, helburuak, lan plana, laguntzaren burutze epe zabalena (2024-2025) ezinbestean hartu beharko duena, honetarako kronograma eta mugarri nagusiak. Ikertaldearen helburuak, ekoizpen zientifikoari, prestakuntzari, transferentziari eta finantza iturriei dagokienez, kuantifikatu beharko dira, laguntzaren helburuko epe osoan zehar erdietsi beharreko adierazleak erabiliz.
- 2024-2025 eperako eskatzen den aurrekontua. Bosgarren oinarrian deskribatu bezala, diruz lagun daitezkeen kontzeptuetan eskatutako zenbatekoak zehaztu beharko dira. Gainera, zenbateko hauek justifikatu beharko dira zein bere helburu zehatza xehe-xehe azalduz.

b) Ikertzaile nagusiaren curriculum laburra, PDF formatuan, unibertsitate edo ikerkuntza gaietako eskumenik duen edozein administrazioren formatu arautuan aurkeztu beharrekoa.

Ikertaldeko gainerako kideen ekarpen zientifiko nagusiak ikertaldearen jarduera zientifikoaren memorian jasoko dira, eskaria egiteko inprimakian. Ikerketaren arloko errektoreordetzak ikertaldeko edozein kideri eskatu ahal izango dio informazio gehigarria.

6.3. Behin eskaria oso-osorik bete eta gero eta datu guztien agerpena amaituta, PDF bat sortu beharko da behin betiko dokumentuarekin. Dokumentu hori elektronikoki sinatu beharko dute eta ikertaldeko ikertzaile nagusiek eta ikertaldeko kide guztiek sinatu, 9. oinarrian adierazi bezala.

7. OINARRIA. ESKABIDEAK EBALUATZEKO IRIZPIDEAK

Deialdiaren helburuarekin bat etorrita, ebaluazio prozesuak jarraian adierazitako irizpideak bete beharko ditu.

Irizpide bakoitzak zehaztuta dauka ebaluazio osoarekiko duen pisua.

Eskatzaileak eskaeran adierazitako ekarpenen kalitate adierazleak aurkeztu beharko ditu (aldizkariak bere ikerketa eremuan duen inpaktua, kokapena, kuartila, eta abar).

7.1. Ikertaldearen irizpide eta adierazleak.

1. irizpidea: Ikerketa zientifikoaren kalitatea. 2018-2023 epea. Ekoizpen zientifikoaren eta produktibitatearen bikaintasuna balioetsiko da ikertaldearen tamaina eta lortutako baliabideen arabera. Kontutan hartuko dira argitalpenak (liburuak, liburu kapituluak, berrikusketak, ebaluaziodun argitalpen elektronikoak eta aldizkari zientifikoetako artikuluak), ponentzia zientifikoak edo beste edozein adierazle, norberaren arlo zientifikoan garrantzitsua bada. Argitalpenak balioesteko arlo zientifiko bakoitzean diren zerrenda eta ranking zientifikoak eta

aipuetarako adierazleak erabiliko dira, ebaluatzerakoan arlo bakoitzaren zer-nolakoak kontutan izan behar direlarik.

Irizpide honek % 35aren pisua izango du puntuazio osoan.

Talde sortu berriek 2.2 oinarriaren a. eta b. ataletan deskribatutako egoeretako proposamenen bat egiten badu, horren irizpidea amaierako puntuazioan % 30era murriztuko da.

2. irizpidea: Ikertaldearen gaitasuna ikertzaileak prestatzeko. 2018-2023 epea. Doktorego aurreko eta doktorego ondoko kontratatuen kopurua, zenbat tesi eta nazioarteko tesi, graduondoko eta master egin diren balioetsiko da, ikertaldeko kideek zuzenduta, edo ikertaldearen ikerketa ildoetara loturik sustatutako zenbat doktorego, bai eta prestakuntzaren arloko bestelako ekintzak ere, master amaierako lanak zuzentzea, esaterako.

Irizpide honek % 15aren pisua izango du puntuazio osoan.

Talde sortu berriek 2.2 oinarriaren a. eta b. ataletan deskribatutako egoeretako proposamenen bat egiten badu, horren irizpidea amaierako puntuazioan % 13ra murriztuko da.

3. irizpidea: Finantzaketa eta jakintzaren transferentzia. 2018-2023 epea. Honako hauek baloratuko dira:

- 1) Ikerketa proiektuetarako deialdi lehiakorretan lortutako finantzaketa eta lortutako zenbatekoa, bai eta sare tematikoetan eta ekintza integratuetan parte hartuz ere; kontutan hartuta, bereziki, proiektuen lidergoa.
- 2) Ikertaldearen ikerketa emaitzak, patenteen eskaerekin eta erabiltzeko ereduarekin neurtuta, bai eta ikerketaren emaitzarekin lotutako spinoff enpresen sorrerarekin ere. Irizpide honen atala da patenteen ustiapen maila.
- 3) Jakintzaren transferentzia helburu, kontutan hartuta administrazio publiko edo enpresekin sinatutako ikerkuntzarako edo jakintzaren transferentziarako kontratu edo hitzarmenen bidez egindako ekintzak, ikerkuntzaren gestioarako unibertsitate, institutu, ikergune eta bestelako gestio bulegoetan tramitatuta.
- 4) Dibulgazio zientifikorako eta ikerketaren gizarte hedapenerako jarduerak, publiko orokorrari zein komunitate zientifikoari bideratutakoak.

Ez dira atal honetan konputatuko, zeinek bere arloan jakintzaren hobetze nabarmenik ez lekarketen aholkugintzak, arkitektura edo ingeniarietako oinarritako proiektuak eta beste.

Irizpide honek % 20aren pisua izango du puntuazio osoan.

Talde sortu berriek 2.2 oinarriaren a. eta b. ataletan deskribatutako egoeretako proposamenen bat egiten badu, horren irizpidea amaierako puntuazioan % 17ra murriztuko da.

4. irizpidea: Lanaren helburuak eta plana. Baloratuko dira:

- 1) Ikertaldearen helburuak: hauen definizioan, kalitate zientifikoa, berritzailetasuna eta proposatutako lan planarekiko koherentzia.
- 2) Lan plana: lan planaren definizioa eta logika, bai eta bere bideragarritasuna ikertaldea osatzen duten lagunen esperientzia aintzat hartuta.
- 3) Laguntza gestioarako planarekiko hautabidezko proposamena, espero gabeko emaitzak eta ustekabeak gerta litezkeen bestelako egoerak gertatuta.
- 4) Eskatutako aurrekontua noraino den egoki proposatutako helburuekiko eta lortu nahi diren emaitzek norainoko eragin eta inpaktua izango duten arlo sozioekonomikoan eta teknologikoan.

Irizpide honek % 17aren pisua izango du puntuazio osoan.

Talde sortu berriek 2.2 oinarriaren a. eta b. ataletan deskribatutako egoeretako proposamenen bat egiten badu, horren irizpidea amaierako puntuazioan % 22ra murriztuko da.

5. irizpidea: ikertaldearen kudeaketa proposamenaren ebaluazioa. Honako hauek baloratuko dira:

- 1) Ikertaldearen osaera, egitura, diziplinartekotasuna eta koherentzia, proposatutako helburuekiko.
- 2) Emaitzen dibulgazio zientifikoa, jendearen eskura jarriz taldearen ikerketa jardueraren

komunikazio, hedapen edo didaktika programa edo ekintzen bidez.
Irizpide honek % 8aren pisua izango du puntuazio osoan.

Talde sortu berriek 2.2 oinarriaren a. eta b. ataletan deskribatutako egoeretako proposamenen bat egiten bada, horren irizpidea amaierako puntuazioan % 13ra murriztuko da.

6. irizpidea: Irizpide osagarriak. Honako hauek baloratuko dira:

- 1) Emakumeen presentzia: ikertaldeko kide gisa % 40ko edo hortik gorako emakumeen ehuneko egiatzatzen duten taldeei puntu bat emango zaie; 0,5 puntu ehuneko hori % 30ekoa edo hortik gorakoa eta % 40tik beherakoa denean; eta atal honetan ez da punturik lortuko ehuneko hori % 30era iristen ez denean. Halaber, puntu bat emango da ikertzaile nagusia emakumea bada, eta, bestela, 0,5 puntu ikertzaile nagusietako bat emakumea bada.
- 2) Proposamena Garapen Iraunkorreko Helburuekin (GIH) bat etortzea: gehien dela, puntu bat emango zaie Agenda 2030eko GIHetako batekin lerrokatuta dagoela behar bezala justifikatuko lukeen proposamenari.
- 3) Talde sortu berriak sustatzea: bi puntu emango zaizkie, ikertalde sortu berriek 2.2 oinarriaren a. eta b. ataletan deskribatutako egoeretako batean egindako proposamenei.

8. OINARRIA. ESKARIAK AURKEZTEKO EPEA

Eskariak aurkezteko epeak 30 egun natural izango ditu, honako deialdi hau Ikerkuntzaren arloko errektoreordetzaren web gunean argitaratuko denetik kontatzen hasita.

9. OINARRIA. ESKAERAK EGITEKO ERA

9.1. Eskariak 6.3 oinarriak aipatzen duen inprimakiaren bidez egingo dira, UPV/EHUko IAera bideratuta.

Administrazio Publikoen Administrazio Prozedura Erkideari buruzko urriaren 1eko 39/2015 Legeak 14.e) artikuluan adierazitakoaren arabera, eta bat etorrita UPV/EHUko idazkari nagusiaren 2021eko apirilaren 28ko Erabakian adierazitakoarekin (erabaki horrek onartu egiten ditu interesatuak UPV/EHUrekiko harreman elektronikoetan identifikatzeko eta sinadura elektronikoa erabiltzeko jarraibideak, bai eta erakunde horretan lanean ari diren pertsonak identifikatu eta sinadura elektronikoa erabiltzekoak ere), eskaera aurkeztu behar da UPV/EHUko erregistro elektronikoaren bitartez: <https://egoitza.ehu.eus/eu/registro-electronico>. Bertan sartuta, "Jasotzailea" atalean "Ikerketaren arloko Errektoreordetza" aukeratu behar da eta, bigarrenaz, "Ikerketa deialdien gestioa (U02000256)", zehaztuz "eskatzen du" atalean "UPV/EHUko ikertaldeak 2022". Identifikazio elektronikorako sistema hauetakoren bat erabili beharko dute: Izenperen ziurtagiri digitala, UPV/EHUko langile txartela (Izenpe), NAN elektronikoa, edo Diruaren eta Zerga Zigiluaren Fabrika Nazionalaren ziurtagiria (FNMT-CERES).

Eskaera elektronikoki erregistratuta dagoenean bakarrik ulertuko da aurkeztutzat eskatutako dokumentazioa.

9.2. Dokumentazioa UPV/EHUK darabiltzan bi hizkuntza ofizialeko edozeinetan edo ingelesez aurkeztu ahal izango da.

Ahal bada, ebaluazioa eskaera egiten den hizkuntzan egingo da. Ebaluazioak ezin badira euskaraz egin, gai horretan adituak diren eta hizkuntza hori ezagutzen duten ebaluatzailek ez dagoelako, IAEk aginduko du euskaraz aurkeztutako eskaerak gaztelaniara itzultzea. Dagokion itzulpena jaso ostean, posta elektronikorekin bidez bidaliko zaio ikertzaile nagusiarri, eskabidean adierazitako helbide elektronikora. Bost egunen epea izango du itzulpena birpasatu eta adostasuna agertzeko. Epe hau kontatzeko, aintzat hartuko da postaren gestoreak mezu elektronikoa ematerakoan emititzen duen egiaztagiria. Adierazitako epea igaro ostean, erantzunik jaso gabe, ulertuko da ikertzaile nagusia itzulpenarekin ados dagoela.

10. OINARRIA. LAGUNTZAK GESTIONATZEKO ORGANOAK

Ikerketaren arloko Errektoreordetzak, Ikerketaren Gestio Zuzendaritzaren bidez, kudeatuko ditu deialdi honetan zehaztutako laguntzak.

11. OINARRIA. ESKARIEN TRAMITAZIOA ETA EBALUAZIOA

11.1. Eskaerak aurkezteko epea bukatu ondoren, Ikerketaren arloko Errektoreordetzako Ikerketaren Gestio Zuzendaritzak aztertu egin zituen aurkeztutako eskaerak.

Azterketa hori amaitu ostean, IAEk webgunean argitaratuko du ebaluazio fasera igarotzeko onartutako eta baztertutako eskaeren zerrenda eta 10 egun balioduneko epea emango die interesdunei eskaera osatu edo zuzentzeko, bai eta egoki iritzitako alegazioak aurkezteko ere. Okerren zuzenketak eta alegazioak aurkeztu beharko dira 9. oinarrian eskariak aurkezteko deskribatutako bitartekoak erabilia.

Emandako dokumentazioa berrikusi eta gero, Ikerketaren arloko errektoreordetzaren webgunean argitaratuko da eskari onartu eta baztertuen zerrenda behin-betikoa. Behar den epean eta eran akatsak zuzendu ez dituztenek eskaria bertan behera utzi dutela ulertuko da.

Geroago, eskarien okerrak zuzentzeko prozesua amaitu eta gero, ikertzaile nagusiak azken txostena eskuratu ahal izango du aplikazioaren bidez, non jasoko baitira ikertaldeak kreditatutako merezimendu guztiak, eskarien inguruan egin beharreko ebaluazioaren oinarri izango baitira.

7. oinarrian deskribatu diren ebaluazio irizpideen kanpoko ebaluazio agentzia baten bidez egin ahal da. Agentzia hori UNIBASQ - Euskal Unibertsitate Sistemaren Kalitate Agentziaren Ikerketako Estatu Agentzia, Ebaluazio eta Koordinazioko Azpiatala (lehengo ANEP) edo antzeko ezaugarriak dituen beste agentzia bat izan daiteke. Fase horrek, gutxienez, hiru hilabeteko iraupena izango du.

11.2. Egindako ebaluazio txostenak IGBBri bidaliko zaizkio; hark dagokion esleipen proposamena aurkeztuko dio Ikerketaren arloko Errektoreordeari eta errektoreordeak erabakia hartuko, gero argitaratzeko.

11.3. **Kalitate adierazleak eta emaitzen ebaluazioa.** IGBBk kalitate adierazleak eta emaitzen ebaluazioa ezarriko ditu laguntza gauzatzeko dagozkien epeetan, eskabidean adierazitakoaren arabera, eta zehaztuko du ekoizpen zientifikoari, prestakuntza gaitasunari, langileak erakartzeari eta funtsak lortzeari buruzko adierazle sorta.

Kopuruak zehazteko, batzordeak abiapuntu izango ditu ikertaldeak berak datozen lau urteetarako diseinatu duen jarduera planean jasotako adierazleak, bai eta aurreko urteetan erakutsitako potentziala eta deialdi honen ebazpenean jasotako finantzaketa ere. IGBBk, hala balegokio, txostenak eskatu ahal izango dizkie taldearen espezializazio arloan ospe handia eta ebaluazio esperientzia duten ikertzaileei.

Adierazle horiek laguntza onartzeko dokumentuan sartuko dira, eta 14. oinarrian ezarritako txosten teknikoaren ebaluazioan erabiliko dira, deialdi honetan bi modalitateetan ikertaldearen jardueraren jarraipenari buruzkoan.

12. OINARRIA. ERABAKIA

12.1. IGBB-k behin-behineko ebazpenaren proposamena egingo du, IAEren webgunean argitaratuko dena, eskatzaile guztiek lortutako behin-behineko puntuazioa adieraziz.

Ikertzaile nagusiek eskaria egiteko baliatutako aplikazioaren bidez eskuratu ahal izango dute ebaluazio txostena.

Horrez gain, finantzaketa proposatzen zaien taldeetako ikertzaile nagusiek banakako ebazpen proposamena jasoko dute posta elektronikoko bidez, eskabidean adierazitako posta-kontuan. Proposamen horrek honako hauek jasoko ditu:

- a. Ikertalde eskatzailearen identifikazioa.
- b. Esleitutako guztizko kopurua eta kontzeptuen eta urtekoen araberrako xehetasunak.
- c. Kalitate adierazleak eta emaitzen ebaluazioa.

12.2. Ikertzaile nagusiek 10 egun balioduneko epea izango dute, gehienez ere, egokitzat jotzen dituzten alegazioak aurkezteko, behin-behineko ebazpena argitaratzen denetik zenbatzen hasita. Finantzaketa proposatzen zaien taldeei dagokienez, epe hori zenbatzeko, aurreko paragrafoan aipatzen den banakako ebazpen proposamena jasotzen duen posta elektronikoa entregatu izanaren egiaztatzea hartuko da kontuan. Aipatutako epean alegaziorik jaso ezean, proposamena onartutzat joko da eta alegatzeko eskubidea bertan behera geratuko da.

Alegazioak eskaerak aurkeztu beharko dira 9. oinarrian eskariak aurkezteko deskribatutako bitartekoak erabilia.

12.3. Epea hau iraganik, IAE-k IGBB-ri helaraziko dizkio aurkeztutako alegazioak, bertan azter daitezten eta, ondorioz, behin betiko ebazpena egiteko proposamena helaraziko dio Ikerketaren arloko Errektoreordetzari.

Ikertalde berriren baterako finantzaketa proposatzen bada, behin-behineko ebazpenean jasotakoei dagokienez, 12.1.etik 12.3.ra bitarteko oinarrietan adierazitako moduan jotzeko da banakako ebazpen proposamen berriari dagokionez: ikertzaile nagusiei posta elektronikoa bidez helaraztea, 10 egun balioduneko alegazio epea irekitzea eta, hala badagokio, IGBBk ebazpen proposamena egitea.

12.4. Arestiko tramitazioak egin eta gero, IAEren webgunean argitaratuko da laguntza emateko edo ukatzeko behin betiko ebazpena eta argitalpen horrek interesdunei jakinarazteko balioko du.

12.5. Behin betiko ebazpenak administrazio bidea agortzen du eta honako bide hauek daude beraren kontra egiteko, inola ere aldi berean erabilia:

1.- Lehenengo eta behin, aukerako berraztertze errekurtsua aurkez dakioke erabakia eman duen organoari berari hilabeteko epean, banakako jakinarazpena jaso eta biharamunetik kontaktzen hasita.

Administrazio errekurtsu hori jarriz gero, eta errekurtsua jarri eta hilabeteko epean erabaki adierazirik jaso ezean, errekurtsua isiltasun negatiboagatik ezetsi dela ulertuko da. Horrela gertatuz gero, hurrengo atalean adierazitako auzibidera jotzeko aukera egongo da.

Kasu horretan, administrazioarekiko auzi errekurtsua jartzeko epea sei hilabetekoa izango da, errekurtsua ezetsitatzat joa izan den egunaren biharamunetik kontaktzen hasita (Administrazioarekiko Auzien Jurisdikzioa arautzen duen uztailaren 13ko 29/1998 legearen 46. artikulua).

2.- Zuzenean, administrazioarekiko auzi errekurtsua jar daiteke Bilboko administrazio auzietako epaitegietan. Horretarako, bi hilabeteko epea dago, erabaki honen banakako jakinarazpena jaso eta biharamunetik hasita (uztailaren 13ko 29/1998 Legea, Administrazioarekiko Auzien Jurisdikzioa arautzen duena, 8.3 eta 46. artikulua).

13. OINARRIA. LAGUNTZA ORDAINTZEKO BALDINTZAK

Deialdiaren behin betiko ebazpena argitaratu ondoren, esleitutako laguntzen benetako zuzkidura egiteko, laguntza onartzeko agiria jaso behar da IAEko Ikerketako Gestiorako Zuzendaritzan, taldeko ikertzaile nagusiak sinatuta. Dokumentu horretan, Zuzendaritza horrek helaraziko dio, IGBBk onetsitako finantzaketa baldintzak eta kalitate adierazleak eta emaitzen ebaluazioa jasoko dira.

Taldeei emandako laguntzaren zuzkidura urtero egingo da, hargatik eragotzi gabe erabili gabeko zatia hurrengo urteko urterokora igarotzea, urte horretakoari gehituta, laguntzaren indarraldiko azken urtean izan ezik, urte horretan laguntzaren amaieran erabili ez den zatia osorik kenduko da, hargatik eragotzi gabe 5.2. oinarrian adierazitako aplikatzea, langileak kontratatzeke edo ekipamendua erosteko gastuari buruzkoa.

14. OINARRIA. JARRAIPENA

14.1. Ikerketaren arloko Errektoreordetzak diru laguntza jaso duten eskaerei jarraipena egiteko prozedura antolatuko du.

14.2. **Urteko txostena.** Finantzaketa lortzen duten taldeek, hurrengo urteko hiruhilekoa amaitu baino lehen, ekoizpen zientifikoari buruzko urteko datuak eguneratu beharko dituzte

<http://www.ikerketa-taldeak.net> aplikazioan. Horretarako, IAEk aldeztu aurretik UPV/EHUko taldeen datu basean kargatutako adierazleei buruzko informazioa erabiliko da.

14.3. **Amaierako txostena.** Jarduerak bukatu eta hurrengo hiruhilekoan, azken txostena egin beharko da <http://www.ikerketa-taldeak.net> aplikazioaren bidez lortutako emaitzak jasoz; ikertzaile nagusiak sinatu beharko du eta kasuan kasuko sail edo institutuko zuzendariak ontzat eman.

14.4. **Azken ebaluazioa.** Azken txostena entregatu ondoren, emaitzen ebaluazioa egingo da, ikertaldearentzat ezarritako urteko adierazleentzako betetze mailan oinarrituta.

14.5. Zerbitzu Nagusien bidez egin ez diren gastuen kasuan, jatorrizko faktura gorde beharko da ikertaldeko ikertzaile nagusiari dagokion sailean edo institutuan, eta eskuragarri izan beharko da deialdi honen kargura emandako laguntzen inguruan honako organoek, beren eskumenen babesean, egin ditzaketen egiaztapenetarako: Ikerketaren arloko Errektoreordetzak, UPV/EHUko barne kontrolerako zerbitzuak, kontrol ekonomikoko bulegoak edo Herri Kontuen Euskal Epaitegiak.

Inola ere ez da fotokopiarik onartuko jatorrizko agiriak galtzeagatik.

15. OINARRIA. EMAITZEN BERRI EMATEA ETA EMAITZEN USTIAKETA

15.1. Ikerketaren ondorioz sortutako emaitza guztietan edo emaitzak zabaldu eta ustiatzeko argitalpen eta ekitaldi guztietan (direla ponentziak, hitzaldiak, kongresuak edo parte hartutako bestelako zientzia gertakariak edo patenteak, prototipoak edo erabilera ereduak), UPV/EHUren filiazioa ageri beharko da, bai eta erakundearen ikusizko nortasuna ere, unibertsitateak zehaztutako baldintzetan.

15.2. Ikertzaileak zein erakundetakoak diren jasota agertzeaz gain, esker onen atalean zehaztuta ageri beharko da ikerketa hori aurrera eramateko finantzazioa eman duten erakundeentzako zerranda, eta deialdi hau berriaz aipatu beharko da.

15.3. Ikertaldearen jardueren bidez lortutako emaitzak jabetza intelektualaren edo industrialaren arloko tituluren baten bidez babestuta egon badaitezke, UPV/EHUko Jabetza Intelektual eta Industrialaren Erregimenari buruzko Arautegia aplikatu beharko da.

15.4. Ahal den bezain pronto, baina inola ere, argitalpenaren data ofizialetik hamabi hil iragan eta gero, argitara eman beharko da ADDI erakunde gordailuan ikertaldearen ikerketaren emaitza izan eta ikerkuntza argitalpen seriatu edo aldizkakoetan argitaratzeko onartu diren lan eta edukien azken bertsioaren bertsio digital bat. Nolanahi ere, gomendatzen da ADDIn argitaratzea ikertaldearen ondoriozko edozein emaitza.

16. OINARRIA. LAGUNTZA EMATEAREN BALDINTZEN ALDAKETA

16.1. Laguntza emateko kontuan hartu diren baldintzetariko bat edo beste aldatuko balitz, betiere deialdiaren helburua bete egin dela ziurtatuta, edota beste erakunde publiko edo pribaturen batek bestelako subentziorik edo laguntzarik emango balio taldeari, horrek laguntzak esleitzeko erabakia aldatzea eta kasuan kasuko kitapena egitea ekar lezake.

Kasu hauetan, ebazpena abenduaren 17ko 698/1991 Dekretuaren 4. artikuluan (EHAA, 1992ko otsailaren 7koa), Euskal Autonomi Elkartearen Aurrekontu Orokorren pentzutan ematen diren laguntzen bermeei eta horiek itzultzeari buruzko erregimen orokorra araututa, zehaztutako administrazio prozedurari jarraituz burutuko da, IGBBk proposatuta edo txostena eginda.

16.2. Ondorio horietarako, ulertuko da laguntza emateko oinarri izandako baldintzak aldatu egin direla, besteak beste, honelako kasuetan:

- a. Ikertaldeak uko egitea bere jarduerari, talde barruko lankidetzaren harremanak bertan behera uztea edo egiantan apurtzea, ikertzaile nagusia UPV/EHUkoa ez den beste erakunde batera joatea, edo Euskal Autonomia Erkidegotik kanpo joatea, eta horren eraginez taldearen zuzendaritza edo aurreikusitako emaitzen lorpena arriskuan egotea.
- b. Ikertaldeak egindako jarduerak bat ez etortzea proposatutako helburu eta epeekin,

horretarako Ikerketaren arloko Errektoreordetzaren baimenik eduki gabe.

- c. Deialdi honetako oinarriak, guztiak edo batzuk, modu larrian urratzea.
- d. Eskaeran datuak ezkutatu, aldatu edo moduren batera edo bestera manipulatzeko.
- e. Jarduera finantzatzeko xedez egindako deialdien barne ez dauden gastuak egitea UPV/EHUk kontrataziorako ezarritako prozedura zentralizatuak bete gabe.

17. OINARRIA. TALDEAREN OSAERA ALDATZEA

17.1. Taldean aldaketarik egin nahi izanez gero, eskaria egin behar zaio Ikerketaren arloko errektoreordeari, aldaketa onar edo ezeztatu dezan. Ez da ikertaldean baxarik onartuko, ez bada ezinbesteko kausarengatik. Hala badagokio, taldearen aurrekontu zuzkidura alda liteke, taldetik ateratzen den pertsonari dagokion gastatu gabeko finantzaketaren zati alikuota kenduz.

Ikertzaile nagusiak jakinarazi beharko dio IAeri, laguntzak dirauen bitartean, ikertaldeko zeintzuek kide amaitzen duten UPV/EHUrekiko lotura.

17.2. Taldean egindako aldaketak -kide berrien altak edo bajak- Ikerketaren arloko errektoreordeak baimena ematen duen unetik aurre izango ditu ondorioak.

17.3. Taldeko kide kopurua gutxitzearen ondorioz gerta daiteke finantziarioa eguneratzea edo taldea bertan behera geratzea.

18. OINARRIA. LAGUNTZEN HARTZAILEEN LEGEZKO ERANTZUKIZUNA

Deialdi honetan jasota ez dagoen guztirako, Diru Laguntzei buruzko azaroaren 17ko 38/2003 lege orokorrean ezarritakoari jarraituko zaio, besteak beste, diru laguntzak itzultzeari buruzko xedapenei eta arau hauste eta zigorrei buruzko arauari.

Aurreko ondorioetarako, ulertuko da Diru Laguntzei buruzko Lege Orokorrean aipatzen diren beste administrazio batzuetako organo zehatzen inguruko aurreikuspenak eskumen baliokideak dituen unibertsitateko organoaz (edo honen ahalik eta antzekoenak dituen organoaz) ari direla.

19. OINARRIA. IKERKETA JARDUERETAN BETE BEHARREKO PRINTZIPIOAK

19.1. Deialdi honen bidez gauzatu nahi diren jardueretan gizakiak, gizakien lagin biologikoak eta/edo datu pertsonalak erabili nahi badira, ondorengo baldintzak bete behar dira:

- Aitorpenetan jasotako printzipio etikoak errespetatzea (Belmont, 1979; CIOMS, 2002; Giza Genoma, UNESCO, 1997; Oviedoko Biltzarra, 1999; eta Tokio, 2004).
- Indarreko legeria bete: 14/2007 Legea, biomedikuntzako ikerketei buruzkoa; 1716/2009 ED, biobankuei buruzkoa; 41/2002 Legea, pazientearen autonomiari buruzkoa; 3/2018 Lege Organikoa, abenduaren 5ekoa, Datu Pertsonalak Babesteari eta Eskubide digitalak Bermatzeari buruzkoa, eta 2016/679 Erregelamendua (EB), Europako Parlamentuarena. Bai eta Datu Pertsonalak Babesteari buruzko UPV/EHUko Arautegia ere.
- Gizakiekin eta beren Lagin eta Datuekin Egindako Ikerketei Buruzko Etika Batzordearen (GIEB) alde aurreko eta nahitaezko aldeko txostena aurkeztu, UPV/EHUko ikerketarako eta irakaskuntza jarduerarako etika organoak arautzen dituen Erregelamendua jasotzen duen bezala, Gobernu Kontseiluaren 2014ko urtarrilaren 30eko Erabakiak onetsi eta 2014-2-17ko 32. EHAAn argitaratuta.

19.2. Deialdi honen bidez gauzatu nahi diren jardueretan animaliekin esperimentatu nahi bada, ondorengo baldintzak bete behar dira:

- Nazioartean sustatutako ordezte, murrizte eta fintze irizpideak errespetatu.
- Animaliekin ikertzearen arloko indarreko araudia bete (53/2013 ED).
- Animalien Ongizaterako Etika Batzordearen (CEEA) aginduzko aldeko txostena lortu, Gobernu Kontseiluaren 2014ko urtarrilaren 30eko erabakiak, UPV/EHUko ikerketan eta irakaslanetan etika organoak arautzeari buruzkoak (EHA, 32. zk., 2014-02-17koa), jasotzen duen bezala.

- Agintari eskudunaren baimena agertu (foru diputazioen abeltzaintza saila).

19.3. Deialdi honen bidez gauzatu nahi diren jardueretan agente biologikoak eta/edo genetikoki eraldatutako organismoak erabili nahi badira, ondorengo baldintzak bete behar dira:

- Giza osasuna eta ingurumena babestearen inguruko prebentzio, zuhertasun eta informazio printzipio etikoak errespetatu.
- Arlo horretako indarreko araudia bete (31/1995 Legea, laneko arriskuak prebenitzeari buruzkoa; 664/1997 ED, langileak eragile biologikoekin lan egitearen arriskuetatik babesteari buruzkoa; 665/1997, langileak eragile kartzinogenoekin lan egitearen arriskuetatik babesteari buruzkoa; 9/2003 Legea eta 178/2004 ED, genetikoki eraldatutako organismoen erabilera konfinatua, borondatezko askapena eta merkaturatzeari buruzkoa).
- Agente Biologikoekin eta Genetikoki Eraldatutako Organismoekin eginiko ikerketetarako Etika Batzordearen (CEIAB) aginduzko aldeko txostena lortu, Gobernu Kontseiluaren 2014ko urtarrilaren 30eko erabakiak, UPV/EHUko ikerketan eta irakaslanean etika organoak arautzeari buruzkoak (EHAA, 32. zk., 2014-02-17koa), jasotzen duen bezala.

19.4. Deialdi honen bidez gauzatu nahi diren jardueretan enbrioi zelula amekin edo haietatik eratorritako zelula lerroekin ikerketak egiteko beharrezkoa izango da hauek betetzea: 45/2003 Legea eta hari dagokion 2132/2004 ED, soberako aurre-enbrioietatik eskuratutako zelula amekin ikerketak egiteko baimena eskatzeko baldintzak eta prozedurak ezartzen dituen, bai eta 09/2014 ED ere, uztailaren 4koa, giza zelulak eta ehunak emateko, lortzeko, ebaluatzeko, prozesatzeko, zaintzeko, gordetzeko eta banatzeko kalitate eta segurtasun arauak ezartzen dituen.

Horrez gain, giza laginekin egindako ikerketari buruzko arau hau ere kontuan izan behar da: 1716/2011 Errege Dekretua, azaroaren 18koa; honen bidez, alde batetik, biomedikuntzako ikerketa egiteko xedea duten biobankuak baimentzeko oinarrizko eskakizunak ezartzen dira, baita biobanku horiek jarduteko oinarrizko eskakizunak ere; bestetik, giza lagin biologikoak tratatzeko bete behar diren oinarrizko eskakizunak ezartzen dira, eta, azkenik, Ikerketa Biomedikorako Erregistro Nazionalaren funtzionamendua eta antolamendua arautzen dira (2011ko abenduaren 2koa, ostirala, EBO; 290. zk.). (EBO, 290. zk., 2011ko abenduaren 2koa, ostirala).

19.5. Deialdi honen bidez gauzatu nahi diren jarduerak ezin izango dute gerrarik piztu, sustatu eta babestu, ezta, zehatzago, armak egiteko eta/edo merkaturatzeko enprekin zuzenean edo zeharka lan egin ere.

AZKEN XEDAPENETATIK LEHENENGOA

Deialdi honek administrazio bidea agortzen du eta honen kontra administrazioarekiko auzi errekurtsua jar daiteke Bilboko Administrazio Auzietako Epaitegietan, bi hilabeteko epean deialdia argitaratzen den egunetik kontatzen hasita. Hala izanik ere, aukerazko birjartze errekurtsua jarri ahal izango da ebazpena argitaratu eta hilabetearen epean Ikerketaren arloko Errektoreordearen aurrean, 39/2015 legearen 123. artikularekin bat etorrira.

AZKEN XEDAPENETATIK BIGARRENA

Honako deialdi hau Ikerketaren arloko Errektoreordetzaren webgunean argitaratzerakoan sartuko da indarrean.

Leioan, 2023ko urriaren ____ (e)an

Inmaculada Arostegi
Ikerketaren Arloko Errektoreordea
Vicerrectora de Investigación